

## GRUPO PROVINCIAL

**D<sup>a</sup>. Montserrat Lama Novoa**, Voceira do Grupo provincial de Ciudadanos-Partido de la Ciudadanía da Deputación Provincial de Ourense, en base ao previsto nos artigos 91 e 97 do ROF, e de acordo á Lei de Base Reguladora do Réxime Local e o Regulamento da Corporación, presenta a seguinte **MOCIÓN** para o seu coñecemento e posterior aprobación se procede:

### **MOCIÓN PARA A DEFENSA DA IGUALDADE DE TRATO ENTRE AS PARELLAS DE FEITO E OS MATRIMONIOS NO ACCESO Á PENSIÓN DE VIUEZ**

Actualmente dáse en España unha situación de grave desequilibrio entre cidadáns que deciden contraer matrimonio e aqueles outros que optan por rexistrarse oficialmente como parellas de feito. Esta situación é xerada polas deficiencias que a actual lexislación en materia de parellas de feito leva aparellada en canto aos requisitos de acceso á pensión de viuvez.

A decisión de constituír parella de feito aínda carrega importantes diferenzas en coberturas e protección. O Real Decreto Lexislativo 8/2015, polo que se aproba o Texto Refundido da Lei Xeral da Seguridade Social, que regula o dereito das parellas de feito a ter acceso á mencionada pensión, no seu artigo 221, inclúe as condicións que as parellas de feito deben cumprir para poder acceder á pensión de viuvez. Entre os mesmos impónse a necesidade de que ditas parellas estean constituídas por un período mínimo de cinco anos.

De igual modo, establécese que os ingresos económicos do membro da parella de feito sobrevivente non alcanzara durante o ano natural anterior ao falecemento o 50% da suma dos propios e dos do causante no mesmo período, ou o 25 % en caso de existencia de fillos. Ao valorar os ingresos, a Lei non ten en conta se a situación do sobrevivente ao momento da morte é permanente ou de carácter circunstancial, co que unicamente se teñen en conta os ingresos do membro que sobrevive nun período determinado (o ano anterior á morte), convertendo a situación en completamente inxusta para quen opta por este tipo de unión de parellas. No caso concreto de que non se cumpran estes dous últimos requisitos só se recoñecerá o dereito a pensión de viuvez cando os ingresos do sobrevivente resulten inferiores a 1,5 veces o importe do salario mínimo interprofesional.

Aínda que esta última cláusula establécese nun intento de salvagardar a pensión nos supostos de necesidade económica, a intencionalidade final da norma non é tratar de garantir un mínimo vital se non a de evitar a desprotección da familia ao producirse unha redución dos seus ingresos a causa do falecemento do cónxuxe. Os requisitos sinalados, supoñen unha clara vulneración do artigo 14 da Constitución, por medio do cal se proclama o principio de igualdade.

A pensión de viuvez ten unha natureza contributiva, da que a persoa se beneficia polo que cotizou o cónxuxe falecido en vida. É por este motivo, do mesmo xeito que ocorre no caso dos matrimonios, que unha persoa que ostente o dereito á pensión pode compatibilizala coas rendas do traballo, non tendo sentido que establezan condicións máis gravosas ás unións de feito.

Por todo o anteriormente exposto, propoñemos ao pleno os seguintes **ACORDOS**:

1. Instar o Goberno de España á modificación dos correspondentes preceptos do Real Decreto Lexislativo 8/2015 e de todas aquelas normas relacionadas con el, para equiparar os dereitos no acceso á pensión de viuvez das parellas de feito co dos matrimonios civís.
2. Instar o Goberno de España a que no prazo máximo dun ano, aprobe un proxecto de Lei de Parellas de feito polo que se incorpore no Código Civil unha regulación do réxime da parella de feito aplicable en todo o territorio nacional, así como incorporar as modificacións oportunas noutras normas para evitar calquera tipo de discriminación xurídica das parellas de feito fronte aos matrimonios por razón do seu estado civil ou da natureza ou formalidade da súa relación de convivencia, cando concorran o resto de requisitos que se establezan en cada caso.

Ourense, 7 de novembro de 2019

D<sup>a</sup>. Montserrat Lama Novoa

Voceira Grupo Provincial

---

**SR. PRESIDENTE DA DEPUTACIÓN PROVINCIAL DE OURENSE**